

սան, Մասէտ, Խանքաբա և Բաղէր խաները: Գիւղացիները հողագուրկ են. նրանք մշակում են աղաների հողերը և բերքի  $\frac{1}{3}$  մասը տալիս են նրանց. մօտաւորապէս տարեկան 120 բեռ ցորեն և գարի են վճարում:

Գիւղն ունի Ս. Սկրտիչ եկեղեցին. դպրոցից գուրկ է:

Այս գիւղը հետզհետէ տնտեսական ծալրայեղ քայքայման է ենթարկւում գրացի լօռերի յաճախակի հարստահարութիւնների պատճառով: Ահա պատկերն այն հարստահարութիւնների, որ կատարել է 1910 թւից սկսած.

1910 թւին Սապուռ Շիրիշկանցին առնում է 40 սլխար և 40 թուման փող:

1911-12 » Խաջէ-Շօքրօլլան 50 թումանի փաս է տալիս, տանլով գիւղացիների տան գորգերն ու իրեղէնները: Նոյն թւին Աղա-Հուսէյին Խամսլիցին սպանում է Յակոբ Տէր Աթանասեանի որդուն — Խաչատուրին:

1913 » Սարգար-Բէյմասզ լօռը գիւղ մտնելով՝ մօտ 3000 թումանի փաս է տալիս:

1914-15 » գիւղը հարստահարութիւնից զերծ է մնում:

1916 » Հաֆլանդ Սարգար-Մահուղը (սա Միլակիրտը հարստահարող հրէշն է) 120 թուման փող է առնում:

1917 » Շօքրօլլան 40 թուման և Ղարա-Մելիքզի Մահմուդխանը 50 թուման փող են առնում:

1918 » Սուռ-Սադրան երեք անգամ գիւղը հարստահարում է —  
 Ա. անգամ՝ Սայիս 20-ին առնում է 50 թուման.  
 Բ. » Յունիս 1- » » 50 »  
 Գ. » » 5- » » 10 »

Այս ողբերգական հանգամանքների վրայ աւելացնենք հողատէրերի կամայականութիւնները, որոնք այն աստիճանի սուր կերպարանք են ստացած, որ այլևս գիւղացիութիւնը հնարաւորութիւն չունի ապրելու. նրանք իրենց մահն էին ցանկանում:

№	Կ Ա Ր Գ Ե Ր	Շունչ
1	Աղբատ . . . . .	50
2	Չունևոր . . . . .	30
3	Միջակ . . . . .	30
4	Ունևոր . . . . .	40
5	Հարուստ . . . . .	—
	Ընդամենը	150